



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Richardi Arsdekin Soc. Jesu Sac. Theol. Professoris.
Apparatus Doctrinae Sacrae**

Archdekin, Richard

Dilingae, 1687

Ritus Et Ordo Administrandi Singula Sacramenta Et aliæ Benedictiones, ac
Formulæ Curatori Animarum necessariæ. Ex Rituali Romano priora.

urn:nbn:de:hbz:466:1-38464

RITUS ET ORDO ADMINISTRANDI

SINGULA SACRAMENTA

Et alia *Benedictiones*, ac *Formule* Curatori Animarum necessariae.

Ex Rituali Romano priora.

PRO SACRAMENTO BAPTISMI

S. I.

Ritus sive Ordo Baptismi parvulorum.

Sacerdos, omnibus ritè paratis, superpelliceo, & stolâ violaceâ indutus accedit ad limen Ecclesiae; ubi foris expectant, qui infantem detulerunt. Tum incipit.

N Quid petis ab Ecclesia Dei? *Patrinus respondet:* Fidem, *Sacerdos:* Fides quid tibi praestet? *Patrinus respondet:* Vitam aeternam. *Sacerdos:* Si igitur vis ad vitam ingredi, serva mandata: Diliges Dominum Deum tuum ex toto corde tuo, ex tota anima tua, & ex tota mente tua; & proximum tuum sicut teipsum.

Deinde ter exsufflet leniter in faciem infantis, & dicat: semel: Exi ab eo (vel ab ea) immunde spiritus, & da locum Spiritui Sancto Paraclyto. Postea pollice faciat signum in fronte & in pectore infantis, dicens: Accipe signum Crucis tam in fronte quam in corde; & sume Fidem caelestium praeceptorum, & talis esto moribus, ut templum Dei jam esse possis.

OREMUS.

Preces nostras, quae sumus Domine, clementer exaudi; & hunc electum tuum N. Crucis Domine in impressione signatum perpetuâ virtute custodi, ut magnitudinis gloriae tuae rudimenta servans, per custodiam mandatorum tuorum ad regenerationis gloriam pervenire mereatur. Per Christum Dominum. *Re. Amen.*

Deinde imponat manum super caput infantis, ac dicat.

OREMUS.

Omnipotens sempiternus Deus, Pater Domini nostri Jesu Christi, respicere dignare super hunc famulum tuum N. quem ad rudimenta Fidei vocare dignatus es: omnem caecitatem cordis ab eo expelle; dirumpe omnes laqueos satanae, quibus fuerat colligatus; aperi ei Domine januam pietatis tuae, ut signo sapientiae tuae imbutus, omnium cupiditatum faetoribus careat, & ad suam odorem praeceptorum tuorum laetus tibi in Ecclesia tua deserviat & proficiat de die in diem. Per eundem Christum Dominum nostrum. *Re. Amen.*

Deinde Sacerdos benedicat salem: qui semel benedictus alias, ad eundem usum deservire potest.

Exorcizo te creatura salis, in nomine Dei Patris omnipotentis & in charitate Domini nostri Jesu Christi & in virtute Spiritus Sancti &, exorcizo te per Deum
R. P. Arfaeck, Tom. III.

vivum & per Deum verum & per Deum sanctum & per Deum & qui te ad tutelam humani generis procreavit, & populo venienti ad credulitatem per servos suos consecrari praecipit, ut in nomine sanctae Trinitatis efficaciter salutare Sacramentum ad effugandum inimicum. Proinde rogamus te Domine Deus noster, ut hanc creaturam salis sanctificando sanctifices & benedicendo benedicas & ut fiat omnibus accipientibus perfecta medicina, permanens in visceribus eorum, in nomine ejusdem Domini nostri Jesu Christi, qui venturus est judicare vivos & mortuos, & seculum per ignem. *Re. Amen.*

Deinde immittat modicum salis benedicti in os infantis, dicens: N. Accipe salem sapientiae: propitiatio sit tibi in vitam aeternam. Re. Amen. Sacerdos: Pax tecum. Re. Et cum spiritu tuo.

OREMUS.

Deus Patrum nostrorum, Deus universae Conditor veritatis, Te supplices exoramus, ut hunc famulum tuum N. respicere digneris propitius, & hoc primum pabulum salis gustantem, non diutius esurire permittas, quò minus cibo expleatur caelesti; quatenus sit semper spiritu fervens, spe gaudens, tuo semper nomini serviens. Perduc eum Domine, quae sumus, ad novae regenerationis lavacrum, ut cum fidelibus tuis promissionum tuarum aeterna praemia consequi mereatur. Per Christum Dominum nostrum. *Re. Amen.*

Exorcizo te immunde spiritus in nomine Patris & Filii & Spiritus Sancti & ut ex eas, & recedas ab hoc famulo Dei N. Ipse enim tibi imperat, maledicte damnae, qui pedibus super mare ambulavit, & Petro mergenti dexteram portexit.

Ego maledicte diabole recognosce sententiam tuam, & da honorem Deo vivo & vero, da honorem Jesu Christo Filio ejus, & Spiritui sancto, & recede ab hoc famulo Dei N. quia istam sibi Deus, & Dominus noster Jesus Christus ad suam sanctam gratiam, & benedictionem, fontemque Baptismatis vocare dignatus est.

Hic pollice in fronte signat infantem, dicens: Et hoc signum sanctae Crucis & quod nos fronti ejus damus, tu maledicte diabole nunquam audeas violare. Per eundem Christum Dominum nostrum. Re. Amen.

Mox imponit manum super caput infantis, & dicit.

OREMUS.

Aeternam ac iustissimam pietatem tuam deprecor, Domine sancte, Pater omnipotens aeternus Deus, auctor luminis & veritatis, super hunc famulum tuum N. ut digneris illum illuminare lumine intelligentiae tuae; munda eum, & sanctifica: da eisdem veram, ut dignus gratia Baptismi tui effectus, tenent

teneat firmam spem, consilium rectum, doctrinam sanctam. Per Christum Dominum nostrum. R. Amen.

Postea Sacerdos imponit extremam partem stola super infantem, & introducit eum in Ecclesiam, dicens:

N. Ingredere in templum Dei, ut habeas partem cum Christo in vitam æternam. R. Amen.

Cum fuerint Ecclesiam ingressi, Sacerdos procedens ad fontem, cum susceptoribus conjunctim clarâ voce dicit:

Credo in Deum Patrem, &c. Pater noster, &c.

Ac deinde antequam accedat ad Baptisterium, dicat:

Exorcizo te omnis Spiritus immunde in nomine Dei Patris omnipotentis † & in nomine Jesu Christi Filii ejus, Domini, & Judicis nostri † & in virtute Spiritus Sancti † ut discedas ab hoc plasmate Dei N. quod Dominus noster ad templum sanctum suum vocare dignatus est, ut fiat templum Dei vivi, & Spiritus Sanctus habitet in eo. Per eundem Christum Dominum nostrum, qui venturus est judicare vivos & mortuos & sæculum per ignem. R. Amen.

Postea Sacerdos digito accipiat de saliva oris sui, & tangat aures & naves infantis. Tangendo verò aurem dextram & sinistram dicat:

Epheta, quod est adaperire. Deinde tangat naves dicens: In odorem suavitatis. Tu autem effugare diabole, appropinquabit enim judicium Dei.

Postea interrogat baptizandum nominatim dicens: N. Abrenuncias Satanæ? Respondet Patrinus: Abrenuncio.

Et omnibus operibus ejus? R. Abrenuncio.

Et omnibus pompis ejus? R. Abrenuncio.

Deinde Sacerdos intingit pollicem in oleo Catechumenorum & infantem ungit in pectore; & inter scapulas in modum Crucis dicens:

Ego te linio † oleo salutis in Christo Jesu Domino nostro, ut habeas vitam æternam. R. Amen.

Hic deponit stola violaceam, & sumit aliam albi coloris.

Subinde pollicem, & innuncta loca abstergit bombacio, vel re simili, & interrogat expresso nomine baptizandum Patrinus respondente.

N. Credis in Deum Patrem omnipotentem, Creatorem Cœli & terræ? R. Credo.

Credis in Jesum Christum Filium ejus unicum Dominum nostrum, natum, & passum? R. Credo.

Credis in Spiritum Sanctum, sanctam Ecclesiam Catholicam, Sanctorum Communionem, remissionem peccatorum, carnis resurrectionem, vitam æternam? R. Credo.

Subinde expresso nomine baptizandi, Sacerdos dicit: N. Vis baptizari? R. Patrinus: Volo.

Tunc Patrinus vel Matrinâ, vel utroque (si ambo admittantur) infantem tenente, Sacerdos vasculo, seu urceolo accipit aquam baptismalem, & de ea ter fundit super caput infantis in modum Crucis, & simul verba proferens, semel tantum distinctè & attentè dicit:

N. Ego te baptizo in nomine Patris † & Filii † & Spiritus † Sancti, fundat tertio.

Ubi autem est consuetudo baptizandi per immersionem, Sacerdos accipit infantem, & advertens, ne ladataur, cautè immergit, & trina mersione baptizat, & semel tantum dicit:

N. Ego te baptizo in nomine Patris † & Filii † & Spiritus † Sancti.

Mox Patrinus, vel Matrina, vel utroque simul infantem de sacro fonte levanti, suscipientes illum de manu Sacerdotis.

Si vero dubitabatur, an infans fuerit baptizatus, utatur hæc formâ. N. Si non es baptizatus, ego te baptizo in nomine Patris † & Filii † & Spiritus sancti. Deinde intingit pollicem in sacro Chrismate, & ungit infantem in summitate capitis in modum Crucis, dicens:

Deus omnipotens, Pater Domini nostri Jesu Christi, qui te regnerat ex aqua, & Spiritu sancto, quique dedit tibi remissionem omnium peccatorum (hic innungit) ipse te liniat Chrismate salutis † in eodem Christo Jesu Domino nostro in vitam æternam. R. Amen.

Sacerdos. Pax tibi. R. Et cum spiritu tuo.

Tum bombacio, aut re simili abstergit pollicem suum, & locum innunctum, & imponit capiti ejus lintecolum candidum loco vestis alba, dicens:

Accipe vestem candidam, quam immaculatam perferas ante tribunal Domini nostri Jesu Christi, ut habeas vitam æternam. R. Amen.

Postea dat ei, vel Patrinus candelam accensam, dicens: Accipe lampadem ardentem, & irreprehensibilis custodi Baptismum tuum; ferva Dei mandata, ut cum Dominus venerit ad nuptias, possis occurrere ei una cum omnibus Sanctis in aula cœlesti, habesque vitam æternam, & vivas in sæcula sæculorum. R. Amen.

Postremo dicit: N. Vade in pace, & Dominus sit tecum. R. Amen.

Si vero fuerint plures baptizandi, sive masculi, sive femina; in Catechismo masculi stantantur ad dextram, femina verò ad sinistram, & omnia pariter dicuntur, ut supra, in proprio genere, numero plurali. Perum prima nominis interrogatio, exsufflatio. Crucis impressio, seu signatio, tactus aurium, & navium cum saliva ab exorciationis interrogatio, unctio Olei Catechumenorum, interrogatio de Fide seu Symbolo, & ipse Baptismus, unctio Chrismatis, candida vestis impositio, atque accensa candela traditio, singulariter singulis, & primum masculis, deinde feminis fieri debent.

Si infans agrotus adeo graviter laboret, ut periculum immineat, ne pereat antequam Baptismus perficiatur, Sacerdos omittit qua Baptismum precedant, enim baptizet, vel etiam semel infundens aquam super caput ejus in modum Crucis, dicens: Ego te Baptizo in nomine Patris † &c.

Si non habeatur aqua baptismalis, & periculum impendeat, Sacerdos utatur aqua simplici.

Deinde, si habeat Chrisma, liniat eum in vertice dicens:

Deus omnipotens, Pater Domini nostri Jesu Christi, &c. ut supra.

Postea dat ei lintecolum candidum dicens: Accipe vestem, &c.

Ac demum det ei ceream candelam accensam, dicens: Accipe lampadem, ut supra. Si supervixerit, suppletur aliis ritus omitti.

§. II.

Ordo supplendi omnia super baptizatum.

Cum urgente moris periculo, vel aliâ cogente necessitate parvulus, sacris precibus, ac carem omnia prætermittis fuerit baptizatus; ubi convalescit, vel cessaverit periculum, & ad Ecclesiam delatus fuerit, omnia supple-

Arde
kin

Theo
logia

D. 11
L. 8

Suppleantur: idemque ordo, ac ritus servetur, qui in Baptismo parvulorum prescriptus est. Excepto, quod interrogatio, an velit baptizari, formaque Baptismi, & ablutio pramittuntur; & quaedam orationes, & exorcismi suo quoque loco immutati, ut infra dicuntur.

Sacerdos igitur antequam immittat salem in os baptizati, manum super caput eius imponens, dicit:

O R E M U S.

Omnipotens sempiterna Deus, Pater Domini nostri Jesu Christi, respicere dignare super hunc famulum tuum N. quem dudum ad rudimenta Fidei vocare dignatus es, omnem cecitatem cordis ab eo expelle, disrumpe omnes laqueos satanae, quibus fuerat colligatus: aperi ei, Domine, janua pietatis tuae, ut signo sapientiae tuae imbutus, omnium cupiditatum foetibus careat, & ad suavem odorem praceptorum tuorum laetus tibi in Ecclesia tua deserviat, & proficiat de die in diem, ut idoneus sit fructu gratiae Baptismi tui, quem suscepit, salis percepta medicinam. Per eundem Christum Dominum nostrum. & Amen.

Deinde posteaquam modicum salis immisit in os baptizati, dicens: Accipe salem sapientiae, propitiatio sit tibi in vitam aeternam, Amen, dicit:

O R E M U S.

Deus Patrum nostrorum, Deus universae conditor Veritatis. Te supplices exoramus, ut hunc famulum tuum N. respicere digneris propitius, ut hoc pabulum salis gustantem non diutius esurire permittas, quo minus cibo expleatur caelesti, quatenus sit semper spiritu fervens, spe gaudens, tuo semper nomini serviens, & quem ad novae regenerationis lavacrum perduxisti, quaesumus Domine, ut cum fidelibus tuis promissionum tuarum aeterna praemia consequi mereatur. Per Christum Dominum nostrum. & Amen.

Post haec factis signo Crucis in fronte Baptizati, dicitque illi verbis:

Et hoc signum Crucis quod nos fronti eius damus, tu maledicte diabole nunquam audeas violare. Per eundem Christum Dominum nostrum. & Amen.

Manu super caput eius imposta dicit:

O R E M U S.

Aeternam, ac iustissimam pietatem tuam deprecor, Domine sancte, Pater omnipotens aeternae Deus, auctor luminis, & veritatis, super hunc famulum tuum N. ut digneris eum illuminare lumine intelligentiae tuae, munda eum & sanctifica: da ei scientiam veram, ut dignus sit fructu gratiae Baptismi tui, quem suscepit; teneat firmam spem, consilium rectum, doctrinam sanctam, ut aptus sit ad retinendam gratiam Baptismitui. Per Christum Dominum nostrum. & Amen.

PRO SACRAMENTO EUCHARISTIAE.

Ordo ministrandi sacram Viativum.

Sacerdos ingrediens locum, ubi jacet infirmus, dicit: Pax huic domui. Resp. Et omnibus habitantibus in ea.

Tunc depositum Sacramentum super mensa, supposito corporali, genuflexus adorat, omnibus in genua procumbentibus, & mox accepta aqua benedicta, asperget infirmum, & cubiculum, dicens Anaphoram. Asperges me Domine hyssopo, & mundabor: lavabis me,

R. P. Ardeck, Tom. III.

& super nivem dealbabor: & primum versum Psalmi, Miserere mei Deus, cum Gloria Patri. Sicut erat, &c. Deinde repetitur Anaphora: Asperges me, &c. Postea Ps. Adjutorium nostrum in nomine Domini. &c. Qui fecit caelum & terram. Ps. Domine exaudi orationem meam. &c. Et clamor meus ad te veniat. Ps. Dominus vobiscum. &c. Et cum spiritu tuo.

O R E M U S.

Exaudi nos, Domine sancte, Pater omnipotens, Externe Deus, & mittere digneris sanctum Angelum tuum de caelis, qui custodiat, foveat, protegat, visitet; atque defendat omnes habitantes in hoc habitaculo. Per Christum Dominum nostrum. & Amen.

His dictis, accedat ad infirmum, ut cognoscat, num sit bene dispositus ad suscipiendum sacrum Viativum, & utrum velit aliqua peccata confiteri, & illum audiat, atque absolvat, quamvis prius deberet esse rite confessus, nisi necessitas aliter urgeat. Postea facta de more Confessione generali, sive ab infirmo, sive ejus nomine ab alio, Sacerdos dicit: Misereatur &c. Indulgentiam, &c.

Deinde facta genuflexione, accipit Sacramentum de vaseculo, atque illud elevans, ostendat infirmo, dicens: Ecce Agnus Dei, ecce qui tollit peccata mundi: & more solito ter dicit: Domine non sum dignus, ut intres sub tectum meum, sed tantum dic verbo, & sanabitur anima mea. Et infirmus simul cum Sacerdote dicat eadem verba, saltem semel submissa voce, tum Sacerdos dans infirmo Eucharistiam, dicat: Accipe frater (vel soror) Viativum Corporis Domini nostri Jesu Christi, qui te custodiat ab hoste maligno, & perducatur in vitam aeternam, Amen.

Si vero Communio non datur per modum Viativi, dicit more ordinario: Corpus Domini nostri Jesu Christi custodiat, &c.

Quod si mors imminet, & periculum sit in mora, tunc dicit: Misereatur, &c. praedictis precibus omnibus, vel ex parte omissis, et statim Viativum praebatur. Postea Sacerdos abluat digitos nihil dicens, & infirmo datur ablutio. Deinde dicit: Ps. Dominus vobiscum. &c. Et cum spiritu tuo.

O R E M U S.

Domine sancte, Pater omnipotens, aeternae Deus, te fideliter deprecamur, ut accipienti fratri nostro (vel sorori nostrae) sacrosanctum Corpus Domini nostri Jesu Christi Filii tui, tam corpori, quam animae proficit ad remedium sempiternum. Qui tecum vivit, & regnat in unitate Spiritus sancti Deus, per omnia saecula saeculorum. & Amen.

His expletis, si altera particula Sacramenti superfuerit (superesse autem semper debet praeterquam in casu jam dicto) genuflexus, surgit, & accipiens vas cum Sacramento, facit cum eo signum Crucis super infirmum nihil dicens, & reverenter illud deferens ordine quo venerat, revertitur ad Ecclesiam dicendo Psalmum: Laudate Dominum de caelis. Et alios Psalmos & Hymnos, prout tempus feret. Cum pervenerit ad Ecclesiam, ponit Sacramentum super Altare; adorat, deinde dicit, Ps. Panem de caelo praestitisti eis. &c. Omne delectamentum in se habentem. Ps. Dominus vobiscum. &c. Et cum spiritu tuo.

O R E M U S.

Deus, qui nobis sub Sacramento mirabili Passionis tuae memoriam reliquisti, tribue, quaesumus, ita nos Corporis, & Sanguinis tui sacra mysteria venerari,

ut redemptionis tuæ fructum in nobis jugiter sentiamus. Qui vivis, & regnas, &c. Amen.

PRO SACRAMENTO EXTRE-
MÆ UNCTIONIS.

Ritus, seu Ordo ministrandi Sacra-
mentum Extremæ Unctionis.

Sacerdos intrans cubiculum dicit: Pax huic domui. Et omnibus habitantibus in ea.

Deinde deposito Oleo super mensam, superpelliceo, stolaque violaceâ indutus, agrote Crucem piceâ osculandam porrigit: mox in modum Crucis eum aquâ benedictâ, & cubiculum, & circumstantes aspergit, dicens Antiphonam: Asperges, &c. Quod si egrotus voluerit confiteri, audiat illum, & absolvat. Deinde piis verbis illum consoletur, & de ejus Sacramenti vi, atque efficacia, si tempus ferat, breviter admonet, & quantum opus sit, ejus animum confirmet, & in spem erigat vite æternæ.

Postea dicat versiculum: Adjutorium nostrum in nomine Domini. &c. Qui fecit cælum & terram. &c. Dominus vobiscum. &c. Et cum spiritu tuo.

O R R U S.

Introcat, Domine Jesu Christe, domum hanc sub nostræ humilitatis ingressu, æterna felicitas, divina prosperitas, serena lætitia, charitas fructuosa, sanitas sempiterna: effugiat ex hoc loco accessus dæmonum, adsint Angeli pacis, domumque hanc deferat omnis maligna discordia. Magnifica, Domine, super nos nomen sanctum tuum: & benedic tibi nostræ conversationi, sanctitica nostræ humilitatis ingressum, qui sanctus, & pius, & permanes cum Patre, & Spiritu sancto in sæculo sæculorum, Amen.

Oremus, & deprecemur Dominum nostrum Jesum Christum ut benedicendo benedicat tibi hoc tabernaculum, & omnes habitantes in eo, & det eis Angelum bonum custodem, & faciat eos sibi servire ad considerandum mirabilia de lege sua, avertat ab eis omnes contrarias potestates: eripiat eos ab omni formidine, & ab omni perturbatione, ac sanos in hoc tabernaculo custodire dignetur. Qui cum Patre, & Spiritu sancto vivit, & regnat Deus in sæcula sæculorum, Amen.

O R E M U S.

Exaudi nos, Domine sancte, Pater omnipotens, æterne Deus, & mittere digneris sanctum Angelum tuum de cælis, qui custodiat, foveat, protegat, visitet atque defendat omnes habitantes in hoc habitaculo. Per Christum Dominum nostrum, Amen.

Quæ orationes, si tempus non patiat, ex parte, vel in totum poterunt omitti. Tum de more factâ Confessione generali, latine, vel vulgari sermone Sacerdos dicat: Misereatur tui, &c. Indulgentiam, absolutionem, &c.

Antequam incipiat ungere infirmum, moneat adstantes, ut pro illo orent, & ubi commodum fuerit pro loco, tempore, & adstantium numero, vel qualitate, recitent septem Psalmos Penitentiales, cum Litanis, vel alias preces, dum ipse Unctionis Sacramentum administrat, mox dicat:

In nomine Patris, & Filii, & Spiritus sancti, extinguatur in te omnis virtus diaboli per impositionem manuum nostrarum, & per invocationem omnium Sanctorum, Angelorum, Archangelorum, Patriarcharum, Prophetarum, Apostolorum, Martyrum, Confessorum, Virginum, atque omnium simul Sanctorum, Amen.

Deinde intincto pollice in Oleo sancto in modum Crucis ungit infirmum in partibus hic subscriptis, apertis proprio loco verba forma in hunc modum.

Ad oculos.

Per istam sanctam Unctionem, & suam piissimam misericordiam indulgeat tibi Dominus quicquid per visum deliquisti, Amen.

Minister vero si est in sacris, vel ipsemet Sacerdos post quamlibet unktionem tergat loca inuncta novo globo bombaci, vel res similis, eaque in vase mundo reponat, & ad Ecclesiam postea deferat, comburat, cineresque projiciat in Sacrarium.

Ad aures.

Per istam sanctam Unctionem & suam piissimam misericordiam, indulgeat tibi Dominus quicquid per auditum deliquisti, Amen.

Ad nares.

Per istam sanctam Unctionem & suam piissimam misericordiam, indulgeat tibi Dominus quicquid per odoratum deliquisti, Amen.

Ad os, compressis labiis.

Per istam sanctam Unctionem & suam piissimam misericordiam, indulgeat tibi Dominus quicquid per gustum & locutionem deliquisti, Amen.

Ad manus.

Per istam sanctam Unctionem & suam piissimam misericordiam, indulgeat tibi Dominus quicquid per tactum deliquisti, Amen.

Et advertit, quod Sacerdotibus manus non innungantur intus, sed exterius.

Ad pedes.

Per istam sanctam Unctionem & suam piissimam misericordiam, indulgeat tibi Dominus quicquid per ingressum deliquisti, Amen.

Ad lumbos, sive renes.

Per istam sanctam Unctionem & suam piissimam misericordiam, indulgeat tibi Dominus quicquid per lumborum delectationem deliquisti, Amen.

Hæc autem unctio ad lumbos omittitur semper in feminis; & etiam in viris, qui ob infirmitatem viræ, aut sine periculo moveri non possunt.

Quibus omnibus per actis, Sacerdos dicit: Kyrie eleison. Christe eleison. Kyrie eleison. Pater noster, &c. Et ne nos inducas in tentationem. &c. Sed libera nos à malo. &c. Saluum fac servum tuum. &c. Deus meus sperantem in te. &c. Mitte ei Domine auxilium de sancto. &c. Et de Sion tuere eum. &c. Eslo ei Domine tutis fortitudinis. &c. A facie inimici. &c. Nihil proficiat inimicus in eo. &c. Et filius iniquitatis non apponat nocere ei. &c. Domine exaudi orationem meam. &c. & clamor meus ad te veniat. &c. Dominus vobiscum. &c. Et cum spiritu tuo.

O R E M U S.

Domine Deus, qui per Apostolum tuum Jacobem locutus es: Infirmitur quis in vobis? inducat Presbyteros Ecclesie, & orent super eum, ungentes eum Oleo in nomine Domini, & oratio Fidei salvabit infirmum, & alleviabit eum Dominus, & si in peccatis sit, remittentur ei: cura quæ sumus, Redemptor noster, gratiâ sancti Spiritus languores istius infirmi, ejulque laniæ vulnera, & dimitte peccata, atque dolores cunctos mentis, & corporis ab eo expelle, plenamque interitus, & exterioris sanitatem misericorditer redde, ut ope misericordie tue

Arde
kin

Theo
logia

D. 117
L. 8

turæ restitutus ad pristina reparatur officia. Qui cum Patre & Spiritu sancto vivis, & regnas Deus in sæcula sæculorum, Amen.

O R E M U S.

Respice, quæsumus, Domine, famulum tuum N. Infirmum sui corporis fatiscentem, & animam refove, quam creasti; ut castigationibus emendatus, le tuâ sentiat medicinâ salvatum. Per Christum Dominum nostrum, Amen.

O R E M U S.

Domine sancte, Pater omnipotens; æterne Deus, qui benedictionis tuæ gratiam ægris infundendo corporibus, futuram tuam multiplici pietate custodis, ad invocationem tui nominis benignus assiste, ut famulam tuam hac ægritudine liberatum, & sanitate donatum, dextrâ tuâ erigas, virtute confirmes, potestate tuearis, atque Ecclesiæ tuæ sanctæ, cum omni desiderata prosperitate restituas. Per Christum Dominum nostrum, Amen.

P R O E X E Q U I I S

S. I.

Ritus, seu Ordo Exequiarum.

Sacerdos antequam cadaver offeratur, illud aspergit aquâ benedictâ, mox dicit Antiphonam, Si iniquitates observaveris, & Psalm. De profundis clamavi, &c. in sine: Requiem æternam dona ei Domine, & lux perpetua luceat ei: repetit Antiphonam totam. Si iniquitates, &c. Deinde cadaver offertur. Sacerdosque de domo procedens, statim gravi voce intonat Antiphonam: Exultabunt Domino, & Cantores inchoant Psalmum. Miserere mei Deus secundum magnam, &c. Clero alternatim prosequente; ac si longitudo itineris postulaverit, dicuntur Psalmi graduales: Ad Dominum cum tribulaveris, clamavi, vel alii Psalmi ex Officio mortuorum, & in sine cuiusque Psalmi dicitur: Requiem æternam dona eis Domine, qui Psalmi devotè, distinctè, & gravius voce recitari debent usque ad Ecclesiam.

Ad ingressum Ecclesiæ repetitur Antiphona: Exultabunt Domino ossa humiliata. Deinde Ecclesiam ingressi cantant. Cantore incipiente, & Clero alternatim respondente, videlicet:

Subvenite Sancti Dei, occurrite Angeli Domini, suscipientes animam ejus. Offerentes eam in conspectu Altissimi. Suscipiat te Christus, qui vocavit te, & in sinum Abraham Angeli deducant te. Suscipientes. Requiem æternam dona ei Domine. Et lux perpetua luceat ei. Offerentes.

Deposito feretro in medio Ecclesiæ, ita ut defuncti pedes, si fuerit laicus, sint versus altare majus, si verò fuerit Sacerdos, caput sit versus ipsum altare; & cereis accensis circa corpus, statim nisi quid impediatur, dicitur Officium mortuorum, cum tribus nocturnis, & laudibus, & duo ex Clero incipiant absolute Invitatorium: Regem cui omnia vivunt venite adoremus, & repetitur à Clero: Regem cui omnia, &c. Psalm. Venite exultemus, &c. & duplicantur Antiphona.

Ad finem Officii post Antiphonam Cantici, Benedictus, &c. Ego sum resurrectio, dicitur Pater: secreto. Et ne nos inducas in tentationem. Sed libera nos à malo. A porta inferi. Erue Domine animam ejus. Requiescat in pace. Amen. Domine exaudi orationem. Et clamor meus ad te veniat. Dominus vobiscum. Et cum spiritu tuo.

O R E M U S.

Absolve, quæsumus, Domine, animam famulitui ab omni vinculo delictorum, ut in resurrectionem gloriæ inter Sanctos & electos tuos resuscitatus respiciet. Per Christum Dominum nostrum. Amen.

Dum in officio dicuntur Laudes. Sacerdos cum ministris paratur ad celebrandam Missam solemnem pro defuncto, si tempus congruens fuerit, ut in die depositionis in Missali Romano.

Finitâ Missâ, Sacerdos depositâ casulâ, seu planetâ, & manipulo, accipit pluviale nigri coloris, & Subdiaconus accipit Crucem, & accedit ad feretrum, & se sistit ad caput defuncti cum Cruce, medius inter duos Acolythos, seu ceroseros cum candelabris, & candelis accensis: & omnes alii de Clero veniunt ordinatim in gradu suo cum candelis accensis, & stant in circuitu feretri. Tum sequitur Sacerdos cum Diacono, & assistente aliisque ministris, & factâ reverentiâ altari, sistit se contra Crucem ad pedes defuncti, retrò assistentibus & à sinistris duobus Acolythis, uno cum thuribulo, & navicula incensi, altere cum vase aqua benedictâ, & aspersorio, & Acolythis, seu Clerico tenente librum, absolute dicit sequentem orationem.

Non intres in iudicium cum servo tuo Domine, quia nullus apud te justificabitur homo, nisi per te omnium peccatorum ei tribuatur remissio. Non ergo cum, quæsumus, tua judicialis sententia premat, quem tibi vera supplicatio Fidei Christianæ commendat: sed gratiâ tuâ illi succurre, mereatur evadere iudicium ultionis, qui dum viveret, insignitus est signaculo sanctæ Trinitatis, qui vivis & regnas in sæcula sæculorum. Amen.

Deinde Cantore incipiente, Clerus circumstans, cantat sequens Responsorium.

Libera me Domine, de morte æterna in die illa tremenda. Quando cœli movendi sunt & terra. Dum veneris iudicare sæculum per ignem. Tremens factus sum ego, & timeo, dum discussio venerit, atque ventura ira. Quando cœli movendi sunt, & terra. Dies illa, dies iræ, calamitatis, & miseriæ, dies magna, & amara valdè. Dum veneris. Requiem æternam dona ei Domine, & lux perpetua luceat ei. Libera me.

Dum cantatur prædictum Responsorium, Sacerdos; Acolythis seu Diacono ministrante, accipit incensum de navicula, & ponit in thuribulum, & finito responsorio, Cantor cum primo choro dicit:

Kyrie eleison. & secundus Chorus respondet: Christe eleison. Deinde omnes simul dicunt. Kyrie eleison.

Mox Sacerdos dicit alta voce, Pater noster &c. & secreto dicitur ab omnibus; & ipse interim accipit à Diacono, vel Acolythis aspersorium aqua benedictâ, & factâ profundâ inclinatione Crucis, qua est ex adverso, Diacono seu ministro genuflectente, & simbrias pluvialis sublevante, circumiens feretrum (si transit ante Sacramentum, genuflectit) aspergit corpus defuncti, ter aspergens laus dexterum feretri, & ter sinistrum: deinde reversus ad locum suum, Diacono ministrante, accipit thuribulum, & eodem modo circuit feretrum, & corpus incensat ut aspererat: postea reddidit thuribulum ei, a quo acceperat, stans in loco suo. Acolythis seu alio ministro tenente librum apertum ante se, dicit: Et ne nos inducas. Sed libera. A porta inferi. Erue Domine animam ejus. Requiescat in pace. Amen. Domine exaudi. Et clamor. Dominus vobiscum. Et cum spiritu tuo.

O R E.

O R E M U S.

§. II.

DEus, cui proprium est misereri semper, & parcere, te supplices exoramus pro anima famuli tui N. quam de hoc seculo migrare iussisti, ut non tradas eam in manus inimici, neque obliviscaris in finem, sed iubeas eam à sanctis Angelis suscipi, & ad patriam Paradisi perducì; ut quia in te speravit, & credidit, non penas inferni sustineat, sed gaudia sempiterna possideat. Per Christum Dominum nostrum. R. Amen.

Si defunctus fuerit Sacerdos, in Oratione dicatur: pro anima famulitui Sacerdotis, quam hodie &c.

Postià Oratione, corpus deferretur ad sepulchrum, si tunc deferendum sit, & dum portatur, Clerici cantant Antiphonam.

IN Paradisum deducant te Angeli, in tuo adventu suscipiant te Martyres, & perducant te in civitatem sanctam Jerusalem. Chorus Angelorum te suscipiat, & cum Lazaro quondam paupere aeternam habeas requiem.

Cum autem pervenerit ad sepulchrum, si non est benedictum, Sacerdos illud benedicit, dicens hanc orationem.

O R E M U S.

DEus, cujus miseratione animæ fidelium requiescunt, hunc tumultum benedicere dignare, eique Angelum tuum sanctum deputa custodem, & quorum, quarumque corpora hic sepeliuntur, animas, eorum ab omnibus absolve vinculis delictorum, ut in te semper cum Sanctis tuis sine fine læteant. Per Christum Dominum nostrum. R. Amen.

Postià oratione, Sacerdos aqua benedicta aspergat, deinde incenset corpus defuncti, & tumultum.

Quod si corpus tunc ad sepulturam non deferatur, omisso responsorio: In Paradisum, &c. & benedictione sepulchri, si iam est benedictum; prosequatur Officium; quod nunquam omittitur, & intonet Antiphonam.

Ego sum resurrectio: & dicitur Canticum Benedictus EPOVAE. Et repetitur Antiphona: Ego sum resurrectio & vita, qui credit in me, etiamsi mortuus fuerit, vivet, & omnis, qui vivit, & credit in me, non morietur in æternum.

Postea Sacerdos dicit: Kyrie eleison. Christe eleison. Pater noster. Interim corpus aspergit. Ps. Et ne nos inducas in tentationem. R. Sed libera nos à malo. Ps. A porta inferi. R. Erue Domine animam ejus. Ps. Requiescat in pace. R. Amen. Ps. Domine exaudi orationem meam. R. Et clamor meus ad te veniat. Ps. Dominus vobiscum. R. Et cum spiritu tuo.

O R E M U S.

FAC, quæsumus, Domine, hanc cum servo tuo defuncto (vel famula tua defuncta) misericordiam, ut factorum suorum in pœnis non recipiat vicem, qui (vel quæ) tuam in votis tenuit voluntatem, ut sicut hic eum (vel eam) vera fides junxit fidelium turmis, ita illic eum (vel eam) tua miseratione societ Angelicis choris. Per Christum Dominum nostrum. R. Amen. Ps. Requiem aeternam dona ei Domine. R. Et lux perpetua luceat ei. Ps. Requiescat in pace. R. Amen. Ps. Anima ejus, & animæ omnium fidelium defunctorum per misericordiam Dei requiescant in pace. R. Amen.

Deinde à sepultura in Ecclesiam, vel in sacristiam revertentes, dicant sine cantu Antiph. Si iniquitates, cum Psalmo: De profundis, &c. Requiem aeternam dona eis Domine, &c.

Ritus seu Ordo sepeliendi Parvulos.

CUm igitur infans, vel puer baptizatus defunctus fuerit ante usum rationis, induitur iuxta ritum, & imponitur ei corona de floribus, seu de herbis aromaticis, & odoriferis in signum integritatis carnis & virginitatis, & Parochus superpellico, & stolâ albâ inartus, & alii de Clero, si adsint, procedente Cruce, qua sine hasta deferretur, accedunt ad domum defuncti cum clerico aspersorium deferente; Sacerdos aspergit corpus, deinde dicit.

Antiph. Sit nomen Domini. EPOVAE.

Psalm. 112.

LAudate pueri Dominum: laudate nomen Domini. Sit nomen Domini benedictum: ex hoc nunc & usque in sæculum. A solis ortu usque ad occasum: laudabile nomen Domini. Excelsus super omnes gentes Dominus: & super caelos gloria ejus. Quis sicut Dominus Deus noster, qui in altis habitat: & humilia respicit in caelo, & in terra? Suscitans à terra inopem: & de stercore erigens pauperem. Ut colloct eum cum principibus, cum principibus populi sui. Qui habitare facit sterilem in domo: matrem filiorum tantem. Gloria Patri, & Filio, &c.

Antiph. Sit nomen Domini benedictum, ex hoc nunc, & usque in sæculum.

Dum portatur ad Ecclesiam, dicatur:

Psalmus 118.

BEati immaculati in via: qui ambulant in lege Domini. Beati qui scrutantur testimonia ejus: in toto corde exquirunt eum. Non enim qui operantur iniquitatem, in viis ejus ambulaverunt. Tu mandasti: mandata tua custodiri nimis. Utinam dirigantur viæ meæ: ad custodiendas justificationes tuas. Tunc non confundar: cum perspexero in omnibus mandatis tuis. Confitebor tibi in directione cordis: in eo, quod iudici judicis iustitiæ tuæ. Justificationes tuas custodiam: non me derelinquas usquequaque. In quo corrigit adolescentior viam suam? in custodiendo sermones tuos. In toto corde meo exquisivi te: ne repellas me à mandatis tuis. In corde meo abscondi eloquia tua: ut non peccem tibi. Benedictus es Domine: doce me justificationes tuas. In labiis meis pronunciai omnia iudicia oris tui. In via testimoniorum tuorum delectatus sum: sicut in omnibus divitiis. In mandatis tuis exercebor: & considerabo vias tuas. In justificationibus tuis meditabor: non obliviscar sermones tuos. Gloria Patri &c.

Et si tempus superest, dici potest Psalmus: Laudate Dominum de caelis; ut habetur in Officio ad Laudat; cum aliis duobus sequentibus, & in fine: Gloria Patri &c.

Cum autem pervenerit ad Ecclesiam, dicatur:

Antiph. Hic accipiet EPOVAE.

Psalmus 23.

Domini est terra, & plenitudo ejus: orbis terrarum, & universi, qui habitant in eo. Quia ipse super maria fundavit eum, & super flumina præparavit eum. Quis ascendet in montem Domini: aut quis stabit in loco sancto ejus? Innocens manibus, & mundo corde: qui non accepit in vano animam suam, nec juravit in dolo proximo suo. Hic accipiet benedictionem à

Arde
kin

Theo
logia

D. IV

Domino : & misericordiam à Deo salutari suo. Hæc est generatio quærentium eum : quærentium faciem Dei Jacob. Attollite portas principes vestras, & elevamini portæ æternales : & introibit Rex gloriæ. Quis est iste Rex gloriæ ? Dominus fortis & potens, Dominus potens in prælio. Attollite portas principes vestras, & elevamini portæ æternales : & introibit Rex gloriæ. Quis est iste Rex gloriæ ? Dominus virtutum ipse est Rex gloriæ. Gloria Patri, & Filio, &c.

Antiph. Hic accipiet benedictionem à Domino, & misericordiam à Deo salutari suo, qui hæc est generatio quærentium Dominum.

Postea dicitur : Kyrie eleison. Kyrie eleison. Pater noster, *secundò, interim corpus aspergit.* *ψ.* Et ne nos inducas in tentationem. *℞.* Sed libera nos à malo. *ψ.* Me autem propter innocentiam suscepisti. *℞.* Et confirmasti me in conspectu tuo in æternum. *ψ.* Dominus vobiscum. *℞.* Et cum spiritu tuo.

O R E M U S.

Omnipotens, & mitissime Deus, qui omnibus parvulis renatis fonte Baptismatis, dum migrant à sæculo, sine ullis eorum meritis, vitam illic largiris æternam, sicut animæ hujus parvuli hodie credimus te fecisse : fac nos quæsumus Domine, per intercessionem Beatæ semper Virginis, & omnium Sanctorum tuorum hic purificatis tibi mentibus famulari. Et in Paradiso cum beatis parvulis perenniter sociari. Per Christum Dominum nostrum. *℞.* Amen.

Dum portatur ad tumulum ; & etiamsi tunc non portatur dicitur.

Antiph. Juvenes & Virgines. *ΕΥΧΑΙΕ.* *Ps.* Laudate Dominum de cælis, &c. *ut habetur in Officio ad Laudes ; & in fine :* Gloria Patri, &c. *& repetitur.* *Antiph.* Juvenes, & Virgines, scilicet cum junioribus laudent nomen Domini.

Kyrie eleison. Kyrie eleison. Pater noster, &c. *ψ.* Et ne nos inducas in tentationem. *℞.* Sed libera nos à malo. *ψ.* Sinite parvulos venire ad me. *℞.* Talium est enim regnum cælorum. *ψ.* Dominus vobiscum. *℞.* Et cum spiritu tuo.

O R E M U S.

Omnipotens sempiternus Deus, sanctæ puritatis amator, qui animam hujus parvuli ad cælorum regnum hodie misericorditer vocare dignatus es : digneris etiam Domine ita nobiscum misericorditer agere, ut meritis tuæ sanctissimæ Passionis, & intercessione Beatæ Mariæ semper Virginis, & omnium Sanctorum tuorum, in eodem regno nos cum omnibus Sanctis, & electis tuis semper facias congaudere. Qui vivis, & regnas cum Deo Patre in unitate Spiritus &c.

Deinde Sacerdos corpus asperget aquâ benedictâ, & thurificet ; similiter & tumulum ; postea sepelitur :

Cum autem à sepultura revertuntur in Ecclesiam, dicitur :

Antiph. Benedicite. *ΕΥΧΑΙΕ.*
Canticum trium Puerorum. Daniel. 3. Benedicite omnia opera Domini Domino, &c. Gloria.

Antiph. Benedicite Dominum omnes electi ejus, agite dies lætitiæ, & confitemini illi.

Deinde ante altare dicit Sacerdos : Dominus vobiscum. *℞.* Et cum spiritu tuo.

O R E M U S.

Deus qui miro ordine Angelorum ministeria, hominumque dispensas, concede propitius, ut à qui-

bus tibi ministrantibus in cælo semper assistitur, ab his in terra vita nostra muniat. Per Christum Dominum nostrum, &c.

DE SACRAMENTO MATRIMONII.

S. I.

Ritus celebrandi Matrimonii Sacramentum.

Sacerdos Matrimonium celebraturus, Publicationibus factis tribus diebus festis, si nullum obstat legitimum impedimentum : in Ecclesia, superpelliceo, & albâ stolâ indutus, adhibito uno saltem Clerico superpelliceo pariter induto, qui librum, & vas aquæ benedictæ cum aspersorio deferat coram tribus, aut duobus testibus, virum & mulierem, quos parentum, vel propinquorum suorum præsentia corroborari deet, de consensu in matrimonium interroget utrumque sigillatim in hunc modum vulgari sermone.

N. Vis accipere N. præsentem in tuam legitimam uxorem juxta Ritus Sanctæ Matris Ecclesiæ ? *R.* Respondet sponsus : Volo. *Mox sacerdos sponsam interroget :* N. Vis accipere N. hic præsentem in tuum legitimum maritum juxta Ritus sanctæ Matris Ecclesiæ ? *R.* Respondet : Volo. *Nec sufficit consensus unius ; sed debet esse amborum, & expressus aliquo signo sensibili, sive fiat per se, sive per procuratorem. Mutuo igitur contrahentium consensu intellecto, Sacerdos jubet eos invicem jungere dexteras, dicens :* Ego conjungo vos in Matrimonium : In nomine Patris, & Filii, & Spiritus Sancti, Amen. *Vel alius suatur verbis juxta receptum uniuscujusque Provincia Ritus, postea eos aspergat aquâ benedictâ ; mox benedicat anulum.*

Benedictio annuli.

ψ. Adjutorium nostrum in nomine Domini. *℞.* Qui fecit cælum & terram. *ψ.* Domine exaudi orationem meam. *℞.* Et clamor meus ad te veniat. *ψ.* Dominus vobiscum. *℞.* Et cum spiritu tuo.

O R E M U S.

Benedic t Domine, anulum hunc, quem nos in tuo nomine benedicimus t, ut quæ cum gestaverit, fidelitatem integram suo sponso tenens, in pace, & voluntate tua permaneat, atque in mutua charitate semper vivat. Per Christum Dominum nostrum. *℞.* Amen.

Deinde Sacerdos aspergat anulum aquâ benedictâ in modum Crucis, & sponsus acceptum anulum de manu Sacerdotis imponit in digito annulari sinistra manus sponse. Sacerdote dicente : In nomine Patris, & Filii, & Spiritus Sancti, Amen. *Mox jungat.* *ψ.* Confirma hoc Deus, quod operatus es in nobis, *℞.* A templo sancto tuo, quod est in Jerusalem. Kyrie eleison. Kyrie eleison. Pater noster, &c. *ψ.* Et ne nos inducas in tentationem. *℞.* Sed libera nos à malo. *ψ.* Salvos fac servos tuos. *℞.* Deus meus sperantes in te. *ψ.* Mitte eis Domine auxilium de sancto. *℞.* Et de Sion tuere eos. *ψ.* Esto tu Domine turris fortitudinis. *℞.* A facie inimici. *ψ.* Domine exaudi orationem meam. *℞.* Et clamor meus ad te veniat. *ψ.* Dominus vobiscum. *℞.* Et cum spiritu tuo.

O R E M U S.

Respice quæsumus, Domine, super hos famulos tuos ; & instituit tuis quibus propagationem humani gene-

generis ordinasti, benignus assiste, ut qui Te auctore jungantur, te auxiliante ferventur. Per Christum Dominum nostrum, Amen.

His expletis, si benedicenda sint nuptiæ, Sacerdos Misfam pro sponso & sponsa, ut in Missali Romano celebrat, servatis omnibus, quæ ibi præscribantur.

Cæterum, si quæ Provincia alius, ultra prædictas, laudabilibus consuetudinibus, & ceremoniis in celebrando Matrimonii Sacramento utuntur, eas sancta Tridentina Synodus optat retineri.

§. II.

Benedictio mulieris post partum.

Si qua puerpera post partum juxta piam, ac laudabilem consuetudinem ad Ecclesiam venire voluerit pro incolumitate sua Deo gratias actura, petieritque à Sacerdote benedictionem, ipse superpelliceo, & stola albâ indutus, cum ministro aspergillum deferente ad fores Ecclesie accedat, ubi illam foris ad lumen genuflequentem, & candelam accensam in manu tenentem, aquâ benedictâ aspergat; deinde dicat; ¶ Adjutorium nostrum in nomine Domini. R. Quiificat cælum & terram. Antiphona: Hæc accipiet benedictionem à Domino. Psal. Domini est terra, &c. totum ut supra pag. 480. Gloria Patri, &c. Hæc accipiet benedictionem à Domino, & misericordiam à Deo salutari suo: quia hæc est generatio querentium Dominum.

Deinde porrigenz ad manum mulieris extremam partem stola, eam introducta in Ecclesiam, dicens: Ingredere in templum Dei, adora filium Beatæ Mariæ Virginis, qui tibi fecunditatem tribuit proles.

Et ipsa ingressa genuflebit coram Altari, & oret gratias agens Deo de beneficiis sibi collatis, & Sacerdos dicit: Kyrie eleison. Christe eleison. Kyrie eleison. Pater noster. secretò. ¶ Et ne nos inducas in tentationem. R. Sed libera nos à malo. ¶ Salvam fac ancillam tuam Domine. R. Deus meus sperantem in te. ¶ Mitte ei Domine auxilium de sancto. R. Et de Sion tuere eam. ¶ Nihil proficiat inimicus in ea. R. Et filius iniquitatis non apponat nocere ei. ¶ Domine exaudi orationem meam. R. Et clamor &c. ¶ Dominus vobiscum. R. Et cum spiritu tuo.

O R E M U S.

Omnipotens sempiternus Deus, qui per Beatæ Mariæ Virginis partum fidelium patientium dolores in gaudium vertisti: respice propitius super hanc famulam tuam, ad templum sanctum tuum pro gratiarum actione lætam accedentem: & præsta, ut post hanc, ejusdem Beatæ Mariæ meritis, & intercessione, ad æternæ beatitudinis gaudia cum prole sua pervenire mereatur. Per Christum Dominum nostrum, Amen.

Deinde illam aspergit sterum aquâ benedictâ in modum crucis, dicens: Pax & benedictio Dei omnipotentis Patris, & Filii, & Spiritus sancti descendat super te, & maneat semper, Amen.

RITUS SIVE ORDO

Conficiendi Aquam benedictam.

Ex Rituali Romano.

Debus Dominicis, & quandocumque opus fuerit preparato sale, & aquâ mundâ benedicendâ in Ecclesia, vel in Sacristia. Sacerdos enim superpelliceo, & stola violacea indutus, primò dicit.

¶ Adjutorium nostrum in nomine Domini. R. Qui fecit cælum & terram.

Deinde absolute incipit exorcismum salis.

Exorcizo te creatura salis per Deum & virum, per Deum & verum, per Deum & sanctum, per Deum, qui te per Elicum Prophetam in aquam mitti iussit, ut fanaretur sterilitas aquæ: ut efficiaris sal exorcizatum in salutem credentium: & sis omnibus sumentibus te sanitas animæ & corporis: & effugiat atque discedat à loco, in quo aspersum fueris, omnis phantasia, & nequitia, vel versutia diabolice fraudis, omnisque spiritus immandus adjuratus per eum, qui venturus est judicare vivos & mortuos, & sæculum per ignem. R. Amen.

O R E M U S.

Immensam clementiam tuam, omnipotens æterne Deus, humiliter imploramus, ut hanc creaturam salis, quam in usum generis humanitribuisti, benedicere, & sanctificare & tua pietate digneris, ut sit omnibus sumentibus salus mentis & corporis: & quicquid ex contactu, vel respersum fuerit, careat omni immunditiâ, omnique impugnatione spiritualis nequitie. Per Christum Dominum nostrum. R. Amen.

Exorcismus aquæ; & dicatur sine OREMUS.

Exorcizo te creatura aquæ, in nomine Dei & Patris omnipotentis, & in nomine Jesu & Christi Filii ejus Domini nostri, & in virtute Spiritus & sancti: ut hæc aqua exorcizata ad effugandam omnem potestatem inimici; & ipsum inimicum eradicare, & explentare valeas cum angelis suis apostolicis: per virtutem ejusdem Domini nostri Jesu Christi, qui venturus est judicare vivos & mortuos, & sæculum per ignem. R. Amen.

O R E M U S.

Deus, qui ad salutem humani generis maxima quæque Sacramenta in aquarum substantia condidisti: adesto propitius invocationibus nostris, & elemento huic multimodis purificationibus preparato, virtutem tuæ benedictionis & infunde, ut creatura tua mysteriis tuis serviens ad abigendos dæmones, morbosque pestillos divinx gratiæ sumat effectum; ut quicquid in domibus, vel in locis fidelium hæc unda resperferit, careat omni immunditiâ, liberetur à noxa: non illic residet spiritus pestilens, non aura corrumpens: discedant omnes insidiæ latentis inimici: & si quid est, quod aut incolumitati habitantium invidet, aut quieti, asperitione hujus aquæ effugiat, ut salubritas per invocationem sancti tui nominis experitis, ab omnibus sit impugnationibus defensa. Per Dominum, &c. *Hic mutat sal in aquam in modum crucis, dicendo semel. Communio salis, & aquæ pariter fiat: In nomine Patris, & Filii, & Spiritus & sancti. R. Amen.*

¶ Dominus vobiscum. R. Et cum spiritu tuo.

O R E M U S.

Deus invictæ virtutis auctor, & insuperabilis imperii Rex, ac semper magnificus triumphator: qui adversæ dominationis vires reprimis: qui inimici rugientis sævitiam superas: qui hostiles nequitiæ potenter expugnas, te Domine trementes, & supplices deprecamur, ac petimus, ut hanc creaturam salis, & aquæ dignanter aspicias, benignus illustres, pietatis tuæ rogo sanctifices: ut ubicumque fuerit aspersa, per invocationem sancti tui nominis, omnis infestatio immundi spiritus abigatur, terrorque venenosi serpentis procul pellatur.

Arde
Kin

Theo
logia

D. IV
2. 8

pellatur : & præsentia sancti Spiritus nobis misericordiam tuam poscentibus ubique adesse dignetur. Per Dominum nostrum, &c. in unitate ejusdem Spiritus sancti, &c.

Post benedictionem aqua Sacerdos Dominicis diebus antequam incipiat Missam, aspergit altare, deinde se, Ministros, ac populum, prout in Missali præscribitur.

Benedictio Domus cum aspersione Aque Benedictæ.

Procurator vel alius Sacerdos optens aliquam particularem domum, vel generaliter domos fidelium alio tempore infra annum aspergere aquâ benedictâ, ingrediens domum dicant : Pax huic domui, & omnibus habitantibus in ea. Deinde loca aspergendo dicat : *Antiph.* Asperges me Domine hyssopo, & mundabor, lavabis me, & super nivem dealbabor. *Psal.* Misere mei Deus, secundum magnam misericordiam tuam, &c. Gloria Patri, &c. & repetitur *Antiph.* Asperges me Domine, &c. *Ps.* Domine exaudi orationem meam. *R.* Et clamor meus ad te veniat. *Ps.* Dominus vobiscum. *R.* Et cum spiritu tuo.

O R E M U S.

Exaudi nos, Domine sancte, Pater omnipotens, æternæ Deus, & mittere digneris sanctum Angelum tuum de cælis, qui custodiat, foveat, protegat, visitet, atque defendat omnes habitantes in hoc habitaculo. Per Christum Dominum nostrum. *R.* Amen.

Deinde aspergat aquâ benedictâ.

Benedictio ordinaria Loci cuiuslibet.

Vers. Adjutorium nostrum in nomine Domini. *R.* Qui fecit cælum & terram. *Ps.* Domine exaudi orationem meam. *R.* Et clamor meus ad te veniat. *Ps.* Dominus vobiscum. *R.* Et cum spiritu tuo.

O R E M U S.

Benedicet Domine Deus omnipotens Locum istum, (vel domum illam) ut sit in eo (vel in ea) sanitas, castitas, victoria, virtus, humilitas, bonitas, mansuetudo, plenitudo legis, & gratiarum actio Deo Patri, & Filio, & Spiritui sancto ; & hæc benedictio maneat super hunc Locum, & super habitantes in eo, nunc & semper. *R.* Amen.

Et aspergat aquâ benedictâ.

Benedictio Domus nova.

Vers. Adjutorium nostrum in nomine Domini. *R.* Qui fecit cælum & terram. *Ps.* Dominus vobiscum. *R.* Et cum spiritu tuo.

O R E M U S.

TE Deum Patrem omnipotentem suppliciter exoramus pro hac domo, & habitatoribus ejus, ac rebus : ut eam benedicere, & sanctificare, & ac bonis omnibus ampliare digneris : tribue eis Domine, de rore cæli abundantiam, & de pinguedine terræ vitæ substantiam, ut desideria voti eorum ad effectum tuæ miserationis perducas. Ad introitum ergo nostrum benedicere & sanctificare & digneris hanc domum, sicut benedicere dignatus es domum Abraham, Isaac & Jacob ; & intra parietes domus istius Angeli tuæ lucis inhabitent, eamque, & ejus habitatores custodiant. Per Christum Dominum. *R.* Amen.

Deinde aspergat aquâ benedictâ.

R. P. a. A. s. c. k. Tom. III.

Benedictio communis super fruges & vineas.

Vers. Adjutorium nostrum in nomine Domini. *R.* Qui fecit cælum & terram. *Ps.* Domine exaudi orationem meam. *R.* Et clamor meus ad te veniat. *Ps.* Dominus vobiscum. *R.* Et cum spiritu tuo.

O R E M U S.

Oramus pietatem tuam omnipotens Deus, ut has primitias creaturæ tuæ, quas æris & pluvie temperamento nutrire dignatus es, benedictionis tuæ imbre perfundas : & fructus terræ tuæ usque ad maturitatem perducas. Tribuas quibusque populo tuo de tuis muneribus tibi semper gratias agere, ut à fertilitate terræ esurientium animas bonis affluentibus repleas, & egenus & pauper laudent nomen gloriæ tuæ. Per Christum Dominum nostrum. *R.* Amen.

Aspergat illas aquâ benedictâ.

Benedictio novorum fructuum.

Vers. Adjutorium nostrum in nomine Domini. *R.* Qui fecit cælum & terram. *Ps.* Dominus vobiscum. *R.* Et cum spiritu tuo.

O R E M U S.

Benedicet Domine hos novos fructus N. & præsta, ut qui ex eis in tuo sancto nomine vescuntur, corporis & animæ salute potantur. Per Christum Dominum nostrum. Amen.

Et aspergat aquâ benedictâ.

Benedictio seminum ac segetum, in festo Nativitatis B. V. Mariæ.

Vers. Adjutorium nostrum in nomine Domini. *R.* Qui fecit cælum & terram. *Ps.* Domine exaudi orationem meam. *R.* Et clamor meus ad te veniat. *Ps.* Dominus vobiscum. *R.* Et cum spiritu tuo.

O R E M U S.

TE Domine sancte Pater, omnipotens sempiternæ Deus petimus ac rogamus : ut hos fructus segetum tuis serenis oculis, hilarique vultu aspicere digneris. Et sicut testatus es Moysi famulo tuo in terra Ægypti, dicens : Dic filiis Israël, cum ingressi fuerint terram promissionis, quam eis dabo ; ut primitias fructuum suorum offerant Sacerdotibus ; & erunt benedicti. Sic & nos rogamus te Domine : ut per auxilium misericordie tuæ, emittas super hunc fructum segetum dextere tuæ bene & dictionem, quas ad exhibendum proferre digneris : ut non subruat grando, nec turbo subvertat, nec vis tempestatis detruncet, nec aeris inundatio exterminet : sed semper incolumis permaneat, propter usum animarum & corporum, & ad bene abundantem, & plenissimam maturitatem perducere digneris. Qui in Trinitate perfecta vivis & regnas Deus, per omnia sæcula sæculorum. *R.* Amen.

O R E M U S.

Omnipotens sempiternæ Deus, cælestis verbi seminator & cultor, qui nostri cordis aream spiritualibus rastris exerces : adesto propitius precibus nostris, & super agros, quibus hæc semina fuerint insita, tuam largam benedictionem infunde, ac ab eis omnem vim procellarum gratiæ tuæ defensionis avertet : ut omnis hic fructus, & tuâ benedictione repleatur, & ad horrea sine impedimento perveniat. Per Dominum nostrum Jesum Christum.

Tunc iburificentur semina, & aspergantur aquâ benedictâ.

V

Forma

Arde
kin

Theo-
logia
D. II
2. 8

Forma brevis Exorcismi aduersus dæmonem in aliquo homine obfessionem, aut maleficia.

Sacerdos indutus superpelliceo & stola, etiam afflicti collum alterâ stola obvolvatur, per quam quasi in tutelam eum assumat, & sibi iungat, vel in maiorem fiduciam erigatur. Deinde post humilem invocationem S. Spiritus, & adstantium monitionem, ut suas preces cum Sacerdotis actione coniungat.

Et muniens seipsum signo Crucis, dicat clara voce: In nomine Patris, & Filii, & Spiritus sancti, Amen. *Ps.* Domine exaudi orationem meam. *R.* Et clamor meus ad te veniat. *Ps.* Dominus vobiscum. *R.* Et cum Spiritu tuo.

O R E M U S.

Omnipotens Domine, Verbum DEI Patris, Christe Iesu, qui sanctis Apostolis tuis dedisti potestatem calcandi super serpentes & scorpiones, & super omnem virtutem inimici; & cuius virtute victus, tanquam fulgur de cælo, Satanas cecidit: tuum nomen tremens supplexque deprecor, ut mihi indignissimo seruo tuo data venia peccatorum, confidentiam & virtutem donare digneris, ut hunc crudelem draconem brachii tui potentia securus aggrediar. Qui vivis & regnas cum Deo Patre, &c. *R.* Amen.

O R E M U S.

Omnipotens sempiternæ Deus, à cuius facie cæli distillant, montes sicut cera liquefunt, terra tremat; cui patent abyssi, quem infernus pavescit: Te supplex deprecor, ut invocatione tui nominis huius famuli tui (vel famulæ tuæ) N. anima à vexatione liberata, ad auctorem suæ salutis recurrat, liberatoremque suum, diabolico depulso fetore, & odore suavissimo Spiritus sancti percepto, sequatur Dominum nostrum Iesum Christum Filium tuum. Qui tecum vivit & regnat, &c. *R.* Amen.

Tunc energumenus, si possit, clara voce dicat Symbolum Apostolorum, præcunctis Sacerdote, qui statim dicat, *Ps.* Benedicamus Patrem & Filium, cum sancto Spiritu. *R.* Laudemus & superexaltemus eum in sæcula. *Ps.* Dominus vobiscum. *R.* Et cum Spiritu tuo.

O R E M U S.

Omnipotens sempiternæ DEUS, qui dedisti famulis tuis in confessione veræ fidei æternæ Trinitatis gloriam agnoscere, & in potentia Majestatis adorare unitatem; quæsumus ut ejusdem fidei firmitate, ab omnibus semper muniamur aduersis. Per Christum Dominum nostrum. *R.* Amen.

Exorcismus hic brevis subinde repeti possit, cura recitatione Evangelii. In principio, &c. Longior ejus profectio & dispositio in Rituali aut Pastoralis continentur.

Exorcismus domus à malis spiritibus vexata.

Sacerdos indutus superpelliceo & stola, dicit: In nomine Patris, & Filii, & Spiritus sancti. Amen. Deinde flexis genibus Hymnum. Veni Crea-

tor Spiritus, &c. *Ps.* Exsurgè Christe, adjuva nos. *R.* Et libera nos propter nomen tuum. *Ps.* Adjutorium nostrum in nomine Domini. *R.* Qui fecit cælum & terram. *Ps.* Domine exaudi orationem meam. *R.* Et clamor meus ad te veniat. *R.* Dominus vobiscum. *R.* Et cum Spiritu tuo.

O R E M U S.

Defende, quæsumus Domine, beata Maria semper Virgine intercedente cum omnibus Sanctis tuis, itam ab omni aduersitate familiam: & toto corde tibi prostratam, ab hostium propitius tuere clementer insidiis. Per Christum Dominum nostrum. *R.* Amen.

O R E M U S.

Omnipotens sempiternæ Deus, qui Sacerdotibus tuis tantam gratiam contulisti, ut quidquid in tuo nomine dignè perfecteque ab eis agitur, à te fieri credatur; quæsumus immensam clementiam tuam, ut quod modo visitaturi sumus, visites: & quidquid benedicturi, benedicas: & ad ea quæ acturi sumus, dexteram tuæ potentie extendas: fiatque ad nostræ humilitatis introitum (Sanctorum tuorum meritis) fuga dæmonum, & Angeli pacis ingressus. Per Christum. *R.* Amen.

O R E M U S.

DEUS Angelorum, Deus Archangelorum, Deus Prophetarum, Deus Apostolorum, Deus Martyrum, Deus Confessorum, Deus Virginum, & omnium bene viventium: Deus & Pater Domini nostri Iesu Christi, te invoco, & nomen sanctum tuum, ac præclaræ Majestatis tuæ clementiam supplex deprecor, ut mihi auxilium præstare digneris aduersum nequissimum spiritum; ut ubicunque sit, audito nomine tuo velociter exeat & recedat. Per Christum Dominum nostrum. *R.* Amen.

Adjuratio.

Adjuro te serpens antiquæ, per Judicem vivorum & mortuorum, per Factorem mundi, qui habet potestatem mittere te in gehennam, ut ab hac Domo festinus discedas. Ipse tibi imperat maledicte Diabole, qui ventis ac mari & tempestatibus imperavit. Ipse tibi imperat, qui te de supernis cælorum in inferiora terræ demergi præcepit. Ipse tibi imperat, qui te retrorsum abire præcepit. Audi ergo Satana, & time, & victus & prostratus recede, adjuratus in nomine Domini nostri Iesu Christi: Qui venturus est judicare vivos & mortuos, & sæculum per ignem. *R.* Amen.

Deinde Sacerdos incipiet quindecim Psalmos Graduales, qui sunt inter alios Psalmos magis proprii ad hanc materiam: legendoque aspergat aqua benedicta domus loca, illa potissimum ubi sit major infestatio, ac primum inferiorem partem domus. Moneatur assistentes ut preces suas cum ipsis coniungant.

* * *

FORMVLÆ PASTORALES

Pro Testimoniis variis, quæ ab iis requiruntur, ex *Manuale Pastorum desumptæ.*

FORMVLA scribendi Testimonium pro iis, qui egent Dispensatione Proclamationum ante nuptias.

FACTA per me infra scriptum Rectorem Parochialis Ecclesiæ loci de ... Districtus .. Diocesis N. diligenti inquisitione apud Personas fide dignas super libertate NN. & NN. Subditorum præactæ Parochialis, cupientium inter se ritè contrahere Matrimonium, Scio & testificor eos ad id esse liberos, & ab eo non prohiberi per aliquod canonicum impedimentum. Insuper ipsos esse boni nominis & famæ, & in Catholica fide quam profitentur, esse sufficienter instructos, uti per examen deprehendi: Denique eorundem Parentes consentire in prædictum præsentem Matrimonium, prout ex ore eorundem parentum coram didici. Et quia prædicti nupturientes excurrunt, ut gratiam dispensationis proclamationum obtineant, & allegant pro causâ quod &c. Fidem facio causam illam revera subesse. Datum die ... anno ...

Apponendo summi Nomen & Sigillum. Et ante omnia curando, ut prædicta fuerint, debite examinata & probata.

FORMULA

Testimoniis Pastoralis pro iis, qui migrant ex una Provincia, Civitate, Oppido vel Pago, ad aliam Provinciam, Civitatem, Oppidum vel Pagum.

EGO infra scriptus Pastor Ecclesiæ Parochialis N. Civitatis N. vel Oppidi N. vel Pagi N. fidem facio NN. & NN. personas in legitimo Matrimonio constitutas, & hinc aliò cum suis prolibus & domesticis demigrantes, esse Catholicæ & Orthodoxæ fidei cultores, Ecclesiam suam Parochialem & Sacramenta diligenter frequentasse, quamdiu apud nos fuerunt, & non fuisse in ullo scandalosus, nec esse notatos ullâ infamia; sed e contra istam familiam & singulares ejus personas mihi esse notas, ut probæ vitæ & conversationis, & ab honestate vitæ ac morum esse commendabiles, uti in qualitate mea supra scripta mihi constat ex speciali eorum notitia & inspectione vel, ex fide dignorum vicinorum testimonio vel, tam ex

fide dignorum testimonio, quam ex personali notitia vel quia habitaverunt in vicinia mea per Annos

Quod si is, qui petit testimonium, est juvenis intendens peregrè proficisci, verbi gratia, ad Urbem Romanam, ad Devam Virginem Lauretanam, Compostellam ad S. Jacobum, vel ad terram Sanctam, Sancta ibidem loca veneraturus, expedit etiam ea in testimonio specialiter exprimi.

FORMVLA Approbationis Episcopalis ad Confessiones audiendas exprimitur supra Tom. 2. pag. 149.

FORMVLA Testamenta ritè conficiendi indicatur supra Tom. 2. tract. 5. pag. 236.

FORMVLA accurata, & varia scribendi Romam pro dispensatione, vel aliqua Facultate, sive in casibus Matrimonialibus, sive in aliis ad Pœnitentiarum Romanam &c. exprimitur in proprio tenore supra Tom. 2. tract. 4. pag. 206. Item in causis pertinentibus ad alia Ecclesiæ Tribunalia pag. 244.

NOTA.

PRO hujusmodi Testimoniis, Litteris, Petitionibus aut commendationibus ad Personas in Dignitate constitutas, per commodam erit Viro Ecclesiastico, aliisque, in promptu habere Titulos & Inscriptiones communiore, quæ personatibus in particulari attribuantur, idæoque illa in ejus gratiam hic conor annotare.

Tituli proprii variarum personarum, dignitatum, &c.

Pontifex, Sanctissimus Pater. Imperator, Augustissimus Cæsar.

Cardinalis, Eminentissimus. Archiepiscopus, Illustrissimus. Episcopus, Reverendissimus, nunc additur, Illustrissimus. Abbas, Reverendus admodum, &c. pro varia qualitate. Pleraque alia Dignitates inferiores Amplissimi Domini, titulo gaudent. Doctor Theologia dicitur. Eximius Licentiatum Theologia, Eruditissimus. Graduatum inferior, Doctissimus. Doctor Juris, Clarissimus. Advocatus, Consulcissimus. Doctor Medicina, Expertissimus. Reges Serenissimi, Potentissimi, &c. Rex Hispania, Catholicus. Rex Gallia, Christianissimus, Principes plerique & Archiduces Serenissimi. Comites, Illustrissimi, & Barones, Per-illustres. Dynasta aut Toparcha, Nobilissimi. Consules Amplissimi. Ex Nobilibus privati, alii Nobiles Domini, alii Prænobiles inscribuntur.

Hi sunt Tituli communiore, quamvis forte non ubique ejusdem tenoris. Quando in eadem persona concurrunt plures Dignitates, solent earum propriis Titulis in Inscriptione conjungi. Sed in his, caterisque omnibus, viro Ecclesiastico, nobisque, hoc sit primum & ultimum, ut singula referantur.

AD MAIOREM DEI GLORIAM.

